

რუსთავის მუნიციპალიტეტის საკრებულოს თავმჯდომარის ანგარიში

(2019 წლის 1 ნოემბერი - 2020 წლის 1 ნოემბერი)

პატივცემულო რუსთაველებო,

წარმოგიდგენთ 2019 წლის 1 ნოემბერი - 2020 წლის 1 ნოემბრის ჩათვლით, გაწეული მუშაობის ანგარიშს, რათა ჩვენი თანაქალაქელები ფლობდნენ მაქსიმალურ ინფორმაციას, იმ საქმიანობის შესახებ რაც ამ პერიოდის განმავლობაში ჩვენმა გუნდმა გასწია.

დროებითი სამუშაო ჯგუფები და დარგობრივი კომისიები

ქ. რუსთავის მუნიციპალიტეტის საკრებულოში ფუნქციონირებს 5 დარგობრივი კომისია და 5 დროებითი სამუშაო ჯგუფი. მე ცხადია აქტიურად ვარ ჩართული, თითოეული მათგანის მუშაობაში და ჩვენ ერთად ვაკეთებთ ყველაფერს იმისათვის, რომ სიკეთე საზოგადოებისთვის ხელშესახები იყოს.

2019 წლის 1 ნოემბრიდან 2020 წლის 1 ნოემბრის პერიოდში გაიმართა:

1. სამანდატო საპროცედურო და ეთიკის კომისიის 11 სხდომა
2. სოციალურ საკითხთა კომისიის 5 სხდომა
3. ინფრასტრუქტურულ საკითხთა კომისიის 5 სხდომა
4. ქონების მართვის საკითხთა კომისიის 12 სხდომა
5. საფინანსო, საბიუჯეტო საკითხთა კომისიის 11 სხდომა
6. ტრანსპორტის საკითხების შემსწავლელი დროებითი სამუშაო ჯგუფის 3 სხდომა
7. სპორტისა და ფიზიკური კულტურის საკითხების შემსწავლელი დროებითი სამუშაო ჯგუფის 1 სხდომა
8. რუსთავის განვითარების, ტურიზმის და საერთაშორისო ურთიერთობების შემსწავლელი დროებითი სამუშაო ჯგუფის 1 სხდომა
9. ვეტერანების საკითხთა შემსწავლელი დროებითი სამუშაო ჯგუფის 1 სხდომა
10. ფრაქცია „ქართული ოცნება“ – 3 სხდომა

საკრებულოს თავმჯდომარის ინიციატივები

ყოველი თვის პირველ და მესამე ხუთშაბათს საკრებულოს სხდომათა დარბაზში ვატარებთ საკრებულოს უმრავლესობის სხდომებს, სადაც განვიხილავთ ყველა იმ საჭირობო დოკუმენტს, რომელიც გვიდგას დღის წესრიგში. სხდომაზე განიხილება საკრებულოს წევრების

მოსაზრებები, იდეები ამა თუ იმ საკითხთან დაკავშირებით, პრობლემები და მათი გადაწყვეტის გზები. მინდა წარმოგიდგინოთ იმ ინიციატივების ჩამონათვალი, რომელიც ჩემი, როგორც საკრებულოს თავმჯდომარის მხრიდან, გაუღერებულ იქნა უმრავლესობის სხდომებზე და რომელთაგანაც ზოგი განხორციელდა, ზოგი მათგანი კი დამუშავების სტადიაშია.

ყოველი თვის მე-2 და მე-4 ხუთშაბათს, საკრებულოს სხდომათა დარბაზში, საკრებულოს მაჟორიტარ დეპუტატებთან სამუშაო თათბირი ტარდება, სადაც ინდივიდუალურად და სახელობითად განვიხილავთ ყველა იმ პრობლემას, რომელსაც მოსახლეობა შეხვედრების დროს გვაწვდის. ამ სამუშაო შეხვედრებს ასევე ესწრებიან მერიის შესაბამისი სამსახურის ხელმძღვანელი პირები.

ყოველი კვირის ოთხშაბათ დღეს, მე ჩემს სამუშაო კაბინეტში, ხოლო მაჟორიტარი დეპუტატები მერის წარმომადგენლების ოფისებში, ჯანმრთელობის მსოფლიო ორგანიზაციის რეკომენდაციების სრული დაცვით, ვაწარმოებთ მოქალაქეებთან შეხვედრებს, სადაც ვეცნობით მათ პრობლემებს და შემდეგ ერთობლივად მუნიციპალიტეტის მერიის შესაბამის სამსახურებთან ერთად, ჩვენი კომპეტენციის ფარგლებში, ვსახავთ მათი გადაწყვეტის გზებს. ასევე მინდა მოგახსენოთ, რომ ჩვენი მოსახლეობასთან კომუნიკაცია, მხოლოდ ამით არ შემოიფარგლება, მაჟორიტარ დეპუტატებთან ერთად, მეც ვაწყობ გასვლით შეხვედრებს, რაც ემსახურება ჩვენი თანაქალაქელებისათვის აქტუალური საკითხების ადგილზე გაცნობას, ქალაქში არსებული ინფრასტრუქტურული, სოციალური, ურბანული, დასაქმების და სხვა პრობლემების განსაზღვრას პრიორიტეტების მიხედვით და მათზე შემდგომ რეაგირებას. ამას აქვს სისტემატური და ყოველდღიური ხასიათი. სტატისტიკისთვის, მინდა მოგახსენოთ, რომ მიუხედავად ქვეყანაში არსებული მძიმე პანდემიური სიტუაციისა, ჩემთან ოფისში შევხვდი 120-ზე მეტ მოქალაქეს და მქონდა 50-ზე მეტი გასვლითი შეხვედრა. საკრებულოს თავმჯდომარის სახელზე 2019 წლის ნოემბრიდან დღემდე შემოსულია 494 განცხადება. განცხადებებზე, კომპეტენციის ფარგლებში მოხდა სათანადო რეაგირება, უმეტესი ნაწილი, ჩვენი შუამდგომლობის შედეგად დაკმაყოფილდა, ნაწილზე კი მიმდინარეობს მუშაობა, რომელიც პირად კონტროლზე მაქვს აყვანილი.

Covid 19 და მასთან ბრძოლის მეთოდები

ქ. რუსთავში განხორციელებულ საქმიანობას პანდემიის პერიოდში:

პირველ რიგში მინდა აღვნიშნო, რომ როგორც კი საქართველოში გამოცხადდა საგანგებო მდგომარეობა, ჩვენი და მერიის ერთობლივი ინიციატივით მოხდა სარეზერვო ფონდიდან კოვიდ დონისძიებებზე 589 969,51 ლარის აკუმულირება. ჩამოყალიბდა მოხალისეთა ჯგუფები, სადაც თავი მოიყარა 70-მა რუსთაველმა, რომლებიც 24 საათიან რეჟიმში, საკრებულოს უმრავლესობის წევრებთან ერთად ახორციელებდნენ მოსახლეობის მომარაგებას პროდუქტებით და უწევდნენ მათ საჭიროებებიდან გამომდინარე, სხვა დახმარებას. საერთო ჯამში სულ 1500-ზე მეტ ოჯახს გაეწია დახმარება. თითოეულ ასეთ დონისძიებაში, მეც პირადად ვიყავი ჩართული.

ბიუჯეტი

ქ. რუსთავის მუნიციპალიტეტის საკრებულოს წევრებთან, მუნიციპალიტეტის მერთან, მერის მოადგილეებთან, ადგილობრივი თვითმმართველობის დაქვემდებარებაში მყოფი საქალაქო სამსახურების, მერის წარმომადგენლების, ააიპების და შპს-ების ხელმძღვანელებთან ერთად აქტიურად ვმონაწილეობ რუსთავისთვის მნიშვნელოვანი პროექტების და ჩვენი ქალაქის უმთავრესი ფინანსური დოკუმენტის - ბიუჯეტის განხილვასა და ფორმირებაში. პერიოდულად ვისმენთ მერიის სამსახურების ანგარიშს, გავცემთ რეკომენდაციებს და ერთობლივად ვსახავთ სამომავლო გეგმებს. 2020 წლის ბიუჯეტის მიხედვით პრიორიტეტებია: ინფრასტრუქტურული განვითარება, ჯანდაცვა, სოციალური უზრუნველყოფა, განათლება, ქალაქის გამწვანება-განაშენიანება და ეკოლოგია. ჩვენი მთავარი ამოცანაა, ჩვენი თანაქალაქელების კეთილდღეობა და მათ საჭიროებებზე ზრუნვა.

ქ. რუსთავის 2020 წლის ბიუჯეტი ბოლო ცვლილებების გათვალისწინებით შეადგენს - 62 500 406,64 ლარს;

მიუხედავად 2020 წელს მძიმე პანდემიური მდგომარეობისა, მინდა აღვნიშნო, რომ მაქსიმალურად იქნა ათვისებული ისევ და ისევ ჩვენი თანაქალაქელების საკეთილდღეოდ ყველა მნიშვნელოვანი მიმართულება. კერძოდ: 2020 წლის 1 ნოემბრამდე სოციალური მიმართულებით ათვისებულია 2 405 397, 51 ლარი. ასევე მინდა მოგახსენოთ, რომ მიუხედავად მძიმე პანდემიური მდგომარეობისა, რუსთავში არ გაჩერებულა არც ერთი ინფრასტრუქტურული პროექტი, რისთვისაც საერთო ჯამში ბიუჯეტიდან დაიხარჯა 14 582 646,53 ლარი. განსაკუთრებით მინდა აღვნიშნო ისეთი მასშტაბური პროექტების დასრულება, როგორებიცაა კოსტავას გამზირისა და ლეონიძის სკვერის სრული რეაბილიტაცია.

ასევე, გრძელდება ჩემი და საკრებულოს მაჟორიტარი დეპუტატების მოსახლეობასთან სისტემატიური შეხვედრები, რომელიც ყველა იმ პრობლემის იდენტიფიცირებას, უწყობს ხელს, რომლებიც მაქსიმალურად იქნება პრიორიტეტების მიხედვით გათვალისწინებული 2021 წლის ბიუჯეტის ფორმირებისას.

ბიუროსა და საკრებულოს სხდომები

2019 წლის 1 ნოემბრიდან 2020 წლის 1 ნოემბრამდე პერიოდში, ჩემი ხელმძღვანელობით ჩატარდა 18 ბიუროს სხდომა და 18 საკრებულოს სხდომა. (რიგგარეშე - 8, რიგითი - 10).

სულ მიღებული იქნა 136 განკარგულება და 67 დადგენილება.

მე და ჩემს გუნდს გათავისებული გვაქვს რა ის დიდი პასუხისმგებლობა, რომელიც რუსთაველებმა მოგვანიჭეს, ყოველთვის წარვდგებით დეტალური ანგარიშით თქვენს წინაშე. კვლავ დიდ მადლობას გიხდით ნდობისათვის და დიდი მხარდაჭერისთვის.

თარიღი : 30.10.2020

ხელმოწერა: ლევან ონიანი

